



ТӨРИЙН ӨМЧИЙН БОДЛОГО,
ЗОХИЦУУЛАЛТЫН ГАЗРЫН
ТОГТООЛ

2021 оны 02 сарын 04 өдөр

Дугаар 38

Улаанбаатар хот

Үндсэн хөрөнгө бүртгэх зөвшөөрөл олгох тухай

Төрийн болон орон нутгийн өмчийн тухай хуулийн 6 дугаар зүйлийн 2 дахь хэсэг, 11 дүгээр зүйлийн 8, 25 дугаар зүйлийн 1 дэх хэсэг, Засгийн газрын 2008 оны "Төрийн болон орон нутгийн өмчийн талаар авах зарим арга хэмжээний тухай" 148 дугаар тогтоолын 1.а дахь заалт, Төрийн өмчийн бодлого, зохицуулалтын газрын 2019 оны 271 дүгээр тогтоолоор баталсан "Төрийн болон орон нутгийн өмчид эд хөрөнгө олж авах, бүртгэх, данснаас хасах, шилжүүлэх журам"-ын 4.1.2 дахь заалтыг тус тус үндэслэн ТОГТООХ нь:

1. Улсын төсвийн хөрөнгө оруулалтаар барьж, ашиглалтад оруулсан, нийт 816,121,514.00 (найман зуун арван зургаан сая нэг зуун хорин нэгэн мянга таван зуун арван дөрөв) төгрөгийн үнэ бүхий 1 дүгээр хавсралтад заасан хөрөнгийг "Улаангомын дулааны 2 дугаар станц" төрийн өмчит хувьцаат компанид эзэмшүүлж, бүртгэхийг зөвшөөрсүгэй.

2. Улсын төсвийн хөрөнгө оруулалтаар нийслэлд барьж, ашиглалтад оруулсан, нийт 27,450,214,207.00 (хорин долоон тэрбум дөрвөн зуун тавин сая хоёр зуун арван дөрвөн мянга хоёр зуун долоон) төгрөгийн үнэ бүхий 2 дугаар хавсралтад заасан хөрөнгийг Нийслэлийн өмчид бүртгэхийг зөвшөөрсүгэй.

3. Улсын төсвийн хөрөнгө оруулалтаар орон нутагт барьж, ашиглалтад оруулсан, нийт 27,915,929,494.00 (хорин долоон тэрбум есөн зуун арван таван сая есөн зуун хорин есөн мянга дөрвөн зуун ерэн дөрөв) төгрөгийн үнэ бүхий 3 дугаар хавсралтад заасан хөрөнгийг Баян-Өлгий, Говь-Алтай, Дорноговь, Дорнод, Дундговь, Завхан, Сүхбаатар, Сэлэнгэ, Орхон, Хэнтий, Ховд болон Хөвсгөл аймгийн өмчид тус тус бүртгэхийг зөвшөөрсүгэй.

4. Барилга, хот байгуулалтын яамны Төрийн нарийн бичгийн дарга С.Магнайсүрэн, Нийслэлийн өмчийн ашиглалт, удирдлагын газрын дарга Ш.Үнэнбат болон тогтоолд заасан аймгийн Орон нутгийн өмчийн газрын дарга нарт дор дурдсан арга хэмжээ авч ажиллахыг даалгасугай:

4.1. Улсын төсвийн хөрөнгө оруулалтаар бий болсон үл хөдлөх хөрөнгийг байнгын ашиглалтад хүлээн авсан Улсын комиссын акт, санхүүжилт хийснийг баталгаажуулсан эрх бүхий байгууллагын шийдвэр, тооцоо, гүйцэтгэгчээс захиалагчид хүлээлгэн өгсөн баримт дахь хөрөнгө тус бүрийн задаргаа, зориулалтыг харгалзан, эзэмшигч байгууллагыг тогтоох асуудлыг шийдвэрлүүлэх;

4.2. Хөрөнгийг зохих хууль тогтоомж, журмын дагуу нягтлан бодох бүртгэл, тайланд тусган, "Төрийн болон орон нутгийн өмчийн удирдлагыг мэдээлэлжүүлэх систем"-д бүртгэх;

4.3. Арга хэмжээний биелэлтийг 2021 оны 1 дүгээр улиралд багтаан ирүүлэх.

5. Энэ тогтоолын биелэлтэд хяналт тавьж ажиллахыг Төрийн өмчийн бүртгэл, ашиглалтын хэлтэс (Д.Нарангэрэл)-т үүрэг болгосугай.

6. Энэхүү тогтоол гарсантай холбогдуулан Төрийн өмчийн бодлого, зохицуулалтын газрын 2020 оны 653 дугаар тогтоолыг хүчингүй болсонд тооцсугай.

ДАРГА

Б.ЦЭНГЭЛ

ТӨРИЙН ӨМЧИЙН БҮРТГЭЛ,
АШИГЛАЛТЫН ХЭЛТСИЙН ДАРГА Д.НАРАНГЭРЭЛ

13201070

Төрийн өмчийн бодлого, зохицуулалтын газрын
2021 оны 1 дүгээр сарын 7-ны өдрийн
38 дугаар тогтоолын 2 дугаар хавсралт

УЛСЫН ТӨСВИЙН САНХҮҮЖИЛТ (БАРИЛГА, ХОТ БАЙГУУЛАЛТЫН САЙДЫН БАГЦ)-ЭЭР БАРЬСАН НИЙСЛЭЛИЙН ӨМЧИД БҮРТГЭХ ХӨРӨНГӨ

| Д/д | Төсөл, арга хэмжээний нэр, байршил | Төсөл, арга хэмжээний хүчин чадал | Гүйцэтгэлээрх хөрөнгийн дүн | Улсын комиссын акт | | Ашиглагч байгууллага |
|-----|---|---|-----------------------------|--------------------|------------|--------------------------------------|
| | | | | огноо | дугаар | |
| 1 | Гудамж, зам талбайн гэрэлтүүлэг, тохижилт /Улаанбаатар, Баянзүрх дүүрэг, 9, 17, 19, 22, 24 дүгээр хороо/ | Таван /5-н/ хорооны гэрэлтүүлэг, тохижилт | 1,366,665,336.00 | 12/17/2019 | 2019/884 | Баянзүрх дүүргийн хороод |
| 2 | Хог ангилах төв (үлдэгдэл санхүүжилт) | Тэнхлэгээрээ 00.0м х00.0м хэмжээтэй зoorьгүй барилга | 680,372,710.00 | 4/17/2019 | 2019/118 | Багануур дүүрэг Автожим ОНӨААТҮГазар |
| 3 | Дүүргийн угсармал байруудын гадна фасадын дулаалга, 4 байр /Улаанбаатар, Баянзүрх дүүрэг/ | 6470м1 фасад | 1,001,440,000.00 | 11/25/2019 | 813/2019 | Сууц өмчлөгчдийн холбоо |
| 4 | Нийтийн байруудын дээврийн их засвар /Улаанбаатар, Баянзүрх дүүрэг, 1 дүгээр хороо, 5а, 6а дугаар байр, 3 дугаар хороо, 3а, 4а, 7, 8 дугаар байр, 7 дугаар хороо, 2 дугаар байрын 3, 4, 6 дугаар орц, 23, 24, 29 дүгээр байр/ | 8651м2 | 498,800,000.00 | 2/27/2020 | ЗТ2020/31 | Сууц өмчлөгчдийн холбоо |
| 5 | Төв цэвэрлэх байгууламжийн лагийг цэвэрлэж, үнэргүйжүүлэх /Улаанбаатар, Сонгинохайрхан дүүрэг/ | Лag усгүйжүүлэх байгууламж | 7,135,881,243.00 | 10/7/2019 | 2019/419 | Ус сувгийн удирдах газар |
| 6 | Даралттай бохир ус зайлуулах шугам, I ба II баг хороог болон усны эх үүсвэрүүдийг холбох цэвэр усны шугам, гүний худгуудын гадна дотор цахилгаан, автоматжуулалтын угсралт, гүний худаг гаргах, барих /Улаанбаатар, Багахангай/ | 3.2 км даралттай шугам, бохир усны насос станц, гүний 2 ш худаг | 1,593,900,000.00 | 3/8/2019 | 2019/308 | Ус сувгийн удирдах газар |
| 7 | Ундны ус түгээх байрын барилга /Улаанбаатар, Сонгинохайрхан дүүрэг, 1, 2, 22 дугаар хороо/ | 3ш ус түгээх байр | 149,600,942.00 | 12/31/2019 | 2019/978 | Ус сувгийн удирдах газар |
| 8 | Угсармал орон сууцын фасад /Улаанбаатар, Сонгинохайрхан дүүрэг, 20 дугаар хороо/ | 3 байрны дулаалга | 270,699,999.00 | 3/12/2019 | 2019/737 | СХД-ийн 20-р байрны СӨХ |
| 9 | Гудамж, талбайн гэрэлтүүлэг /Улаанбаатар, Сонгинохайрхан дүүрэг, 12, 13, 14, 15, 16, 17, 30, 31 дүгээр хороо/ | Гэрэлтүүлэг 50 ватт 90 ватт 334 ширхэг | 444,611,536.00 | 2/3/2020 | 2020/88 | Их хотын гэрэл ХХК |
| 11 | Гэр хорооллын айл, өрхүүдийн цэвэр, бохир, дулааны шугам /Улаанбаатар, Чингэлтэй дүүрэг, 7, 8, 9, 10, 11 дүгээр хороо, Шинэ хороо төсөл/ | 50 айл | 1,346,443,009.00 | 16/03/2020 | ЗТ/2020/49 | 50 айл өрх |

| | | | | |
|--|----------|--|--|--|
| | Нийт дүн | | 27,450,214,207.00 (хорин долоон тэрбум дөрвөн зуун тавин сая хоёр зуун арван дөрвөн мянга хоёр зуун долоон) | |
|--|----------|--|--|--|